

dándolle en todo caso audiencia ao interesado.

2. Para os supostos de retraso na realización das obras ou retraso na presentación da xustificación se estará ao disposto na ordenanza provincial de desenvolvemento que resulte aplicable.

3. Se o retraso se produce no pago ao adxudicatario ou terceiros que teñan realizado o obxecto do convenio, se liquidará o xuro legal do diñeiro polo período que medie entre o prazo indicado na cláusula VI.3 e a data do pago efectivo ao terceiro.

DÉCIMA. VIXENCIA DO CONVENIO, PRÓRROGA OU MODIFICACIÓN

1.O presente convenio de cooperación terá carácter retroactivo para os efectos de imputación dos gastos e abranguerá os devengados desde o día 1 de setembro do 2016, sen que en ningún caso sexan subvencionables os gastos devengados con anterioridade á dita data e conservará a súa vixencia ata o día **31 de outubro de 2019**, todo elo condicionado á existencia de crédito adecuado e suficiente no exercicio orzamentario correspondente.

Cada unha das situación descritas por si soa é causa suficiente de rescisión do mesmo.

DUODÉCIMA. NATUREZA E XURISDICIÓN COMPETENTE.

O presente convenio ten natureza administrativa sendo xurisdición contencioso-administrativa a competente para dirimir, na vía xurisdiccional, as cuestións litixiosas que puidesen xurdir da aplicación do presente convenio.

Faise constar que o presente convenio foi aprobado e sesión plenaria de data 21 de decembro do 2.018

Así din e asinan, por cuadruplicado exemplar, no lugar e data indicados no encabezamento.

O PRESIDENTE DA DEPUTACIÓN PROVINCIAL DA CORUÑA

O ALCALDE-PRESIDENTE DO CONCELLO DE OLEIROS

Asdo. D. Valentín González Formoso

Asdo. D. Ángel García Seoane

O SECRETARIO XERAL
DA DEPUTACIÓN PROVINCIAL DA CORUÑA

Asdo. D. José Luis Altaba Supervía



DEPUTACIÓN PROVINCIAL
A CORUÑA
SERVIZO DE PATRIMONIO E CONTRATACIÓN



CONCELLO DE OLEIROS

Número 129/2018

CONVENIO DE COOPERACIÓN ENTRE A DEPUTACIÓN PROVINCIAL DA CORUÑA E O CONCELLO DE OLEIROS PARA LEVAR A CABO O PROXECTO (MODIFICADO Nº1) DE CONSTRUCCIÓN DO CARRIL BICI PARA UNIR LA RÍA DO BURGO CON MERA E ACTUACIÓNS COMPLEMENTARIAS., INCLUIDAS NO PROXECTO CONSTRUTIVO DA REDE CICLISTA DA ÁREA METROPOLITANA DA CORUÑA

Na Coruña, a 28 de decembro do 2.018

REUNIDOS

Dunha parte D. Valentín González Formoso, presidente da Deputación Provincial da Coruña.

E doutra parte D. Ángel García Seoane, Alcalde Presidente do Concello de Oleiros,

Os comparecentes interveñen en uso das facultades que, por razón dos seus cargos lles están atribuídas.

MANIFESTAN

- A Deputación Provincial da Coruña redactou o proxecto construtivo da "Rede Ciclista da Área Metropolitana da Coruña", o cal recolle as obras necesarias para a conexión dos treitos de carrís de bicicletas existentes na cidade da Coruña cos concellos de Arteixo, Cambre, Culleredo e Oleiros, que constitúen a súa Área Metropolitana.
- As actuacións que se propoñen permiten a conexión de treitos ben diferenciados tanto polo seu tipo de percorrido, como polo ámbito urbano e natural que atravesan, permitindo que os usuarios deste medio de transporte como é a bicicleta, poidan compartir o seu uso lúdico como dun medio de transporte alternativo ao mesmo tempo.
- As políticas de promoción da mobilidade "branda", de fomento da seguridade vial e da concienciación social teñen contribuído noutros países ao incremento deste modo de transporte que é económico, áxil, saudable e ecolóxico. Porén, calquera intento de potenciar o uso da bicicleta como medio habitual de transporte pasa, necesariamente, pola reordenación urbana e viaria, xunto coa execución dunha infraestrutura continua que permita garantir o uso continuado e alternativo ao transporte por estrada.
- Na Área Metropolitana existen 53 quilómetros de vías para bicicletas e, polo tanto, o que se pretende coas obras que vai recoller o proxecto é comunicar estes e construír outros novos para conseguir uns percorridos que permitan a mobilidade entre os concellos que configuran este entorno.
- O proxecto confirma a viabilidade técnica de crear un itinerario ciclista comarcal que posibilite percorrer o litoral dende as Praias de Barrañán (Arteixo) ata as de Mera (Oleiros), e dende outro ámbito natural como é a Presa de Cecebre preténdese incorporar o carril de bicicleta existente dende ela ata a desembocadura do río Mero na ría do Burgo, onde se fan as obras para conectalo co do paseo do Burgo ata a Ponte da Pasaxe.
- No proxecto recóllense as actuacións necesarias como son a sinalización, o acondicionamento, as novas estruturas de paso e aqueles treitos de nova construción, coa finalidade de acadar o obxectivo de xerar unha rede básica que poida ser ampliada no seu futuro por outras actuacións da mesma natureza. Nesta fase do proxecto lógrase establecer un itinerario para ciclistas de preto de 78 quilómetros.
- O Pleno da Corporación Provincial en sesión do 29 de xullo de 2016 acordou a aprobación dun convenio de colaboración entre a Deputación Provincial da Coruña e o concello de Oleiros, para levar a cabo as obras do proxecto construtivo da separata do proxecto da "rede ciclista metropolitana da Coruña".
- O 31 de agosto de 2016, formalizouse o convenio en documento administrativo, co núm.32/2016" condicionando a súa entrada en vigor á:
 - Obtención das licenzas e autorizacións preceptivas.
 - Existencia de crédito adecuado e suficiente no orzamento da Deputación para asumir os gastos de execución da obra.
 - Existencia de crédito adecuado e suficiente no orzamento do concello para asumir os gastos non contemplados no punto anterior ou que excedan da cantidade achegada pola Deputación e sexan necesarios para a correcta execución de óbralas
 - Aprobación definitiva do proxecto técnico.

- O contrato de execución das obras foi adxudicado o 19 de decembro de 2016 á empresa **Arias Infraestruturas S.A** por Decreto de Alcaldía 5059/2016 por importe de **813.709,05 (21% Iva incluído)** e formalizado en documento administrativo o 22 de decembro de 2016.
- O concello de Oleiros, o 20 de outubro de 2017, solicitou unha prórroga da vixencia do convenio, fóra do prazo conferido para o efecto.
- Habendo rematado o prazo de vixencia do convenio 132/2016, estando en execución a obra e sendo vontade das partes cumprir co obxecto do convenio suscrito o 31 de agosto de 2016, se propón a formalización dun novo convenio.
- O concello de Oleiros presenta o proxecto **Modificado núm1** da obra denominada “ Construción de carril bici para unir a Ría do Burgo con Mera e actuacións complementarias”, Separata do proxecto da Rede Ciclista Metropolitana da Coruña., supervisado favorablemente polos servizos provinciais
- A Deputación provincial da Coruña, por Resolución da Presidencia núm.30517 de data 12 de setembro de 2018, toma coñecemento do proxecto modificado núm1

Visto o anterior considérase procedente a firma dun convenio de cooperación entre a Deputación Provincial da Coruña e o Concello de Oleiros para a execución das obras do Proxecto da Rede ciclista da Área Metropolitana da Coruña, que afectan a ese municipio.

En consecuencia, considerando a confluencia dos intereses das partes comparecentes, faise preciso artellar as bases para a óptima coordinación e así regular a colaboración nas súas actuacións entre ambas as dúas administracións

Por todo o exposto, a Deputación de A Coruña e o Concello de Oleiros acordan formalizar o presente convenio con suxeición ás seguintes cláusulas.

CLÁUSULAS

PRIMEIRA. OBXECTO.

O obxecto do presente convenio é establecer as bases de colaboración técnica e económica entre a Deputación Provincial de A Coruña e o Concello de Oleiros, CIF P1505900I, que permitan realizar as obras do **proxecto (modificado nº1) de construción do carril bici para unir a ría do Burgo con Mera e actuacións complementarias., incluídas no proxecto construtivo da rede ciclista da área metropolitana da Coruña.** Este documento contén de feito fidedigno as propostas técnicas e orzamentarias establecidas no proxecto “Rede Ciclista da Área Metropolitana da Coruña”, aprobado con anterioridade. O orzamento de execución das obras que recolle o proxecto estímase en **813.709,05 € I.V.E.** incluído, e que corresponden ó ás actuacións do Tramo I a realizar no concello de Oleiros.

As obras, que na data da sinatura atópanse practicamente rematadas, teñen como obxecto a conexión dos tramos ciclistas existentes nun único tramo continuo que se desenvolverá entre a Ría do Burgo e Mera e dar cobertura ciclista a os núcleos costeiros de Santa Cristina, Bastiagueiro, Santa Cruz e Mera.

Así, coas obras propostas resolvéronse descontinuidades de beirarrúas/carril bici existentes, redundando na seguridade vial do entorno. En concreto, os tramos de actuación, cunha lonxitude total de 11,9 km son:

Paseo marítimo do Burgo
Urbanización Beiramar - AC.173 PK. 1+100 (Glorieta do Che)
AC-173 (PK.3+040)- AC.173 (PK.4+280).
AC-173 (PK.4+280)- AC-173 (PK.6+900).
AC-173 (PK.6+900)- AC-173 (PK.9+400).

SEGUNDA. ORZAMENTO DE EXECUCIÓN E FINANCIAMENTO DAS OBRAS.

O orzamento total de execución de contrata da obra, segundo o proxecto técnico ó que se fai referencia na cláusula anterior, é o seguinte:

Presuposto execución material	734.436,20 €
Gastos xerais (13%)	95.476,71€
Beneficio industrial (6%)	44.066,17€
SUBTOTAL	873.979,08€
Adxudicación	672.486,81€
TOTAL ORZAMENTO ADXUDICACIÓN INCLUIDO 21% IVE	813.709,04 €

1. A Deputación Provincial da Coruña financiará o orzamento das obras, tal e como se define na cláusula anterior cunha achega máxima de 813.709,04 € o que representa unha porcentaxe do 100,00%.
2. No caso de que o importe máximo xustificable non alcanzara o importe total previsto na cláusula segunda, a Deputación só aportará o importe que represente o 100,00% da cantidade efectivamente xustificable.
3. A Deputación provincial financiará exclusivamente os gastos derivados do contrato de execución das obras e, polo tanto, non se financiarán os gastos de redacción de proxectos, tributos devengados pola obtención de licencias, honorarios pola dirección das obras, seguridade e saúde, control de calidade, etc. Tampouco financiaranse os incrementos de gasto derivados de modificados, reformados ou liquidacións de obra.
4. O importe da financiación provincial farase efectivo con cargo á aplicación orzamentaria 0410/4541/76201 do presuposto provincial do ano 2018 (EMC1/2018). Dado que a vixencia do convenio esténdese a exercicios futuros, a súa aprobación queda condicionada á existencia de crédito axeitado e suficiente nos exercicios orzamentarios correspondentes e ó cumprimento da Lei de Estabilidade Orzamentaria.

TERCEIRA. AUTORIZACIÓNS E LICENCIAS.

O concello dispón dos terreos necesarios, libres de cargas e gravames e co réxime urbanístico axeitado para a execución das obras incluídas na separata, que afectan ó termo municipal, así como á reposición de servizos e servidumes afectados. Así mesmo, realizáronse as xestións pertinentes ante os organismos correspondentes, para a obtención dos permisos, licenzas e autorizacións regulamentarias, correndo cos custos que se xeren, dentro do seu termo municipal.

CUARTA. PUBLICIDADE DO FINANCIAMENTO PROVINCIAL.

1. Durante a execución das obras e ata o seu remate e recepción, a entidade beneficiaria estará obrigada a colocar un cartel que sexa visible alomenos a unha distancia de 25 metros no que, sen prexuízo doutras indicacións, figure o anagrama da Deputación e o importe da subvención concedida.
2. Rematada a obra, deberase colocar unha **placa en lugar visible** na que se deixe constancia da data de inauguración da obra e do financiamento provincial. O texto estará redactado en galego.

QUINTA. DIRECCIÓN DAS OBRAS. COORDINACIÓN DA SEGURIDADE E SAÚDE.

1. A dirección das obras realizarase por persoal dos servizos técnicos do concello de Oleiros e/ou por medios externos. Así mesmo, actuará como codirector/a persoal técnico designado pola Deputación da Coruña.
2. O concello de Oleiros levará a cabo, mediante medios propios ou servizos externos, a coordinación de seguridade e saúde.

SEXTA. XUSTIFICACIÓN NECESARIA PARA RECIBIR A APORTACIÓN PROVINCIAL

1. Se procederá ao pago da achega provincial a favor do concello unha vez que se axunte ó expediente a seguinte documentación (só admisible por medios electrónicos a través do aplicativo SUBTEL):
 - Certificación do **acordo de adxudicación** do contrato de obras, na que figuren polo menos os seguintes datos: empresa adxudicataria, importe do contrato e prazo de execución
 - **Acta de reformulo da obra**, asinada pola súa dirección, polo/a contratista e no seu caso, polo funcionario técnico designado pola Deputación.
 - Certificación expedida polo órgano responsable da contabilidade das **axudas e outros ingresos** afectados a mesma finalidade ou obxecto desta subvención
 - Acreditación do cumprimento das **obrigas tributarias e coa Seguridade Social** disposto na cláusula OITAVA.
 - Acreditación do compromiso de **publicidade do financiamento provincial**, mediante remisión de fotografía debidamente dilixenciada pola dirección da obra
 - **Certificacións, acta de recepción e fotografía da obra realizada**, que debe ser dilixenciada pola dirección técnica. Ao acto de Recepción da Obra deberá acudir un **técnico designado pola Deputación**, quen asinará tamén a correspondente Acta.
 - Certificación do **acordo de aprobación das certificacións** de obra e do **recoñecemento da obriga**, expedida polo órgano competente
 - Certificación do **acordo da incorporación do ben ao inventario** de bens da entidade beneficiaria, facendo constar nos correspondentes asentos que o ben queda afectado á finalidade pública para a que foi concedida a subvención alomenos durante un prazo de cinco anos.

2. O aboamento da contía materializarase mediante ingreso na conta da entidade financeira indicada pola entidade beneficiaria na documentación achegada. E se tiveran transcorrido máis de catro meses dende a axeitada e correcta xustificación dos compromisos adquiridos sen que tivera cobrado o importe que lle corresponda, a entidade beneficiaria terá dereito ao abono dos xuros de demora, ao tipo de xuro legal, que se perciba, dende a finalización do prazo de catro meses ata o momento no que se faga efectivo o pagamento.

3. Deberá acreditar ter aboado a os terceiros o importe total no prazo máximo dun mes dende a recepción dos fondos. Esta obriga será comprobada pola Deputación, no seu caso, no procedemento de control financeiro que se poida instruír para tal efecto, sen que se teña que presentar documentación adicional ningunha no expediente de xestión e pagamento da subvención.

SÉTIMA. ACTA DE RECEPCIÓN.

O concello de Oleiros notificaralle á Deputación da Coruña a data de formalización da acta de recepción das obras coa debida antelación para que asista, si é o caso, un representante designado pola Deputación da Coruña

OITAVA. CUMPRIMENTO DAS OBRIGAS TRIBUTARIAS E COA SEGURIDADE SOCIAL E A SÚA ACREDITACIÓN

1. O concello deberá estar ao día, con carácter previo á sinatura deste convenio, e logo, con carácter previo ao pago da achega provincial, no cumprimento das obrigas tributarias coa Administración do Estado, coa Comunidade autónoma, coa Deputación Provincial da Coruña, e coa Seguridade Social.
2. A acreditación do cumprimento de ditas obrigas poderá realizarse mediante declaración responsábel expedida polo órgano competente, mediante a presentación dos correspondentes certificado ou ben autorizando á Deputación a que obteña telemáticamente os correspondentes certificados.
3. A acreditación do cumprimento das obrigas tributarias coa Deputación Provincial determinarse de oficio por ésta.

NOVENA. REINTEGRO, INFRACCIÓNS E SANCIONÉS.

1. O incumprimento dalgunha das cláusulas previstas no presente convenio de cooperación poderá implicar a obriga de reintegro parcial ou total dos fondos recibidos, así como ao pago dos xuros de demora que se perciban dende o día no que se realizou o pagamento ata o momento no que se acorde a procedencia do reintegro. O procedemento de reintegro iniciárase de oficio e na súa tramitación seguirase o disposto nos artigos 41 e seguintes da Lei 38/2003, de 17 de novembro, Xeral de subvencións e nos artigos 91 e seguintes do seu Regulamento (R.D. 887/2006, do 21 de xullo),